

Institut za  
razvoj mladih KULT



# JAVNI POZIV ZA UČEŠĆE JEDINICA LOKALNE SAMOUPRAVE U BiH

Oznaka poziva:	17.01.0-N2.1-643
Naziv poziva:	<b>Podrška mladima u razvoju biznisa</b>
Datum objave poziva:	8. 5. 2018.
Rok za dostavljanje projektnih prijedloga:	8. 6. 2018. (poštanski pečat najkasnije s navedenim datumom)

## Javni poziv za učešće jedinica lokalne samouprave u BiH u Preduzetničkom fondu za mlade

Institut za razvoj mladih KULT (u daljnjem tekstu: Institut) poziva sve jedinice lokalne samouprave da se prijave na javni poziv za **Podršku mladima u razvoju biznisa** u okviru **Preduzetničkog fonda za mlade**.

Jedinice lokalne samouprave prijavljuju se za sredstva Instituta za razvoj mladih KULT u iznosu koji će biti jednak ili premašen njihovim uložnim sredstvima u **Preduzetnički fond za mlade** (za svaku 1 KM koju izdvaja Institut, jedinica lokalne samouprave će također izdvojiti također 1 KM ili više).

Sva pitanja koja se tiču ovog javnog poziva dostavljaju se isključivo putem e-mail adrese: [ajka.rovcanin@kultbih.org](mailto:ajka.rovcanin@kultbih.org) (subject/predmet: *17.01.0-N2.1-643, Upit*).

Tekst javnog poziva i obrazac prijave na javni poziv dostupni su na web-stranici [www.mladi.org](http://www.mladi.org).

Od zainteresiranih jedinica lokalne samouprave traži se da prijavu na Javni poziv najkasnije **do 8.6.2018.** godine (poštanski pečat najkasnije sa navedenim datumom) pošalju ili dostave lično na adresu: Institut za razvoj mladih KULT, Ul. 4. viteške brigade 34-36, 71210 Ilidža (na koverti navesti: *17.01.0-N2.1-643 Prijava na javni poziv – Ne otvarati prije zvaničnog otvaranja prijava*).

Prijave koje ne budu dostavljene na način opisan u Javnom pozivu neće biti uzete u razmatranje.

Prijave na Javni poziv koje pristignu nakon navedenog roka kao ni prijave na neodgovarajućim obrascima neće biti uzete u razmatranje.

Institut će u pisanom obliku obavijestiti sve prijavljene jedinice lokalne samouprave o ishodu Javnog poziva.

# Javni poziv za učešće jedinica lokalne samouprave u BiH u Preduzetničkom fondu za mlade

## Pozadina

U Bosni i Hercegovini je vrlo izražen problem nezaposlenosti mladih ljudi. Pokazuju to podaci Međunarodne organizacije rada po kojima je BiH prva u svijetu po nezaposlenosti mladih, sa 67,5% udjela osoba starosne dobi od 15. do 24. godine u radnoj snazi, koje nemaju posao, a mogu i žele raditi (mart 2017. g.). U top 5, pored BiH, su južnoafrička zemlja Svazi, zatim Južnoafrička Republika, Makedonija i azijska zemlja Oman. Zemlje u regiji, osim Makedonije, na znatno su boljim pozicijama i s nižim stopama: Crna Gora na 22. mjestu s 36,0%, Srbija na 27. s 33,7%, Albanija na 28. s 33,6% i Hrvatska na 42. s 29,4%.

Uzrok problema očituje se u nedovoljnoj ekonomskoj aktivnosti zemlje koja bi proizvela potrebu za novim radnim mjestima, opterećujućem poslovnim ambijentu u kojem privrednici djeluju, nedovoljnoj pripremljenosti mladih ljudi za tržište rada uslijed odsustva praktične nastave tokom školovanja, ali i neadekvatnom i nedovoljnom poticanju preduzetničkog duha i aktivnosti kod mladih koji bi mogao rezultirati pokretanjem vlastitih biznisa.

Istraživanja Instituta za razvoj mladih KULT pokazuju da bi svaka druga mlada osoba rado pokrenula vlastiti biznis, ali joj je potrebna podrška u tome, kako finansijska tako i savjetodavna. To potvrđuju i rezultati istraživanja Globalnog monitora preduzetništva, prema kojima mladi u BiH imaju izražen strah od pokretanja biznisa, a i kada to učine, razlog je nužda a ne prilika.

Finansijskom i stručnom podrškom preduzetničkim aktivnostima i poduhvatima mladih doprinosi se rješavanju problema njihovog zaposlenja, ali i drugih mladih ljudi za koje će novi biznisi generirati radna mjesta. Također, mladi tako postaju ekonomski neovisni i osnaženi. Ekonomsko osnaživanje mladih doprinosi razvoju, stvarajući ekonomske i socijalne prilike od koristi za pojedince, zajednice, države i svijet u cijelosti. U tom smjeru, relevantne institucije, organizacije i međunarodna zajednica u Bosni i Hercegovini, kao i organizacije bh. dijaspore u svijetu trebaju dodatno sarađivati.

## Okvir

Institut za razvoj mladih KULT poziva sve jedinice lokalne samouprave u Bosni i Hercegovini da dostave prijavu na Javni poziv za Javni poziv za učešće u **Preduzetničkom fondu za mlade**.

Institut objavljuje javni poziv jedinicama lokalne samouprave za iskazivanje interesa za učešće u provođenju programa za podršku razvoju mikro, malih i srednjih preduzeća osoba dobi od 18 do 30 godina, doprinoseći konkurentnosti lokalnih ekonomija i stvaranju mogućnosti za zapošljavanje mladih kao teže zapošljivih kategorija. Institut i jedinica lokalne samouprave udruženim će sredstvima formirati **Preduzetnički fond za mlade**.

Institut će zajedno sa svim po Javnom pozivu odabranim jedinicama lokalne samouprave pripremiti zajednički okvirni koncept koji će se koristiti kao model podrške. Nakon toga će Institut podržati jedinice lokalne samouprave u provođenju definiranog modela. U svakoj od jedinica lokalne samouprave Institut će održati radionice o pisanju poslovnih planova, načinu popunjavanja prijave i instrukcijama za ciljnu grupu.

## Uvjeti i procedure za apliciranje

**Javni poziv je otvoren svim jedinicama lokalne samouprave u Bosni i Hercegovini** koje ispunjavaju oba sljedeća kriterija:

- Jedinica lokalne samouprave osigurati će sredstva za Preduzetnički fond za mlade u jednakom ili većem iznosu u odnosu na onaj koji traži od Instituta, s tim da je iznos koji traži od Instituta **najmanje 15.000 KM, a najviše 50.000 KM.**
- Jedinica lokalne samouprave spremna je **primijeniti model podrške** koji će biti razvijen u saradnji s Institutom, a prilagođen lokalnoj zajednici, objaviti javni poziv za navedenu ciljnu grupu i osigurati svoj udio budžetskih sredstava za Preduzetnički fond za mlade za podršku odabranim biznisima **u februaru 2019. godine.**

Jedinice lokalne samouprave popunjavanjem i slanjem **PRIJAVE NA JAVNI POZIV** prijavljuju se za učešće u Fondu. Prijava se može preuzeti na web-stranici <http://mladi.org/myURL/jlsobrazac>.

Jedinice lokalne samouprave osigurati će da ugledni predstavnici lokalnog poslovnog sektora budu uključeni u proces odabira biznisa koji se prijave po javnom pozivu jedinice lokalne samouprave, kao i da budu spremni pružiti savjetodavnu podršku mladima tokom procesa podrške.

Predstavnik/ca Instituta bit će uključen u komisiju za odabir biznisa koji će biti podržani kroz Fond.

Modalitet procesa upravljanja sredstvima, praćenja provođenja poslovnih planova kao i izvještavanja bit će zajednički definiran između odabranih jedinica lokalne samouprave i Instituta.

Najmanji iznos koji se traži od Instituta od strane jedinice lokalne samouprave je 15.000 KM, a najviši 50.000 KM.

Institut ima pravo provesti finansijsku provjeru i reviziju podržanih biznisa.

Potpisivanje ugovora između Instituta i odabranih jedinica lokalne samouprave bit će upriličeno **tokom jula 2018.**, a jedinice lokalne samouprave obavezne su raspisati javni poziv za biznise mladih u periodu **od 17. septembra do 15. oktobra 2018. godine.**

Sva **pitanja** koja se tiču ovog javnog poziva dostavljaju se isključivo putem e-mail adrese: [ajka.rovcanin@kultbih.org](mailto:ajka.rovcanin@kultbih.org) (subject/predmet: 17.01.0-N2.1-643, Upit).

## Rok za dostavljanje prijave na javni poziv

Od zainteresiranih jedinica lokalne samouprave traži se da prijavu na Javni poziv najkasnije **do 8.6.2018.** godine (poštanski pečat najkasnije sa navedenim datumom) pošalju ili dostave lično na adresu: Institut za razvoj mladih KULT, Ul. 4. viteške brigade 34-36, 71210 Ilidža (na koverti navesti: 17.01.0-N2.1-643 *Prijava na javni poziv – Ne otvarati prije zvaničnog otvaranja prijave*).

Prijave koje ne budu dostavljene na način opisan u Javnom pozivu neće biti uzete u razmatranje.

Prijave na Javni poziv koje pristignu nakon navedenog roka kao ni prijave na neodgovarajućim obrascima neće biti uzete u razmatranje.

## **Ishod javnog poziva**

Nakon što Komisija ocijeni i rangira sve pristigle prijave, Institut će u pisanom obliku obavijestiti sve prijavljene jedinice lokalne samouprave o ishodu Javnog poziva.

One prijave koje budu pozitivno ocijenjene, ulaze u fazu pregovora i fazu potpisivanja ugovora.

Uz podršku  
Švedske ambasade u Bosni i Hercegovini